



**Naalackersuisut peqquneqassasut takornariaqarnermi suliffeqarfiit ingerlatani nalunaarusiakkut qujaalassallugit, qanoq iliornikkut nunaqavissut inatsisitigut allaffisornikkut aaqqissuussaanertigullu il.il sunniteqarnerpaamik aaliangiisinnalernissaat, nalunaarusiaq kingusinnarpaamik inatsisartunut agguanneqassaaq UPA 2023, inatsisartut aaliangigassatut siunnersuut.**

(Siumup Inatsisartunut ilaasortaataitai)

(Siullermeerneqarneera)

Takornariaqarnerup ineriartortinnera nunatta siunissami ineriartorneranut pingaaruteqarpoq. Isumaqarpunga, tamatta isumaqatigiissutigisinnaagipput, nunarput immikkuullarilluinnartuusoq nunanilu allaniit tikeraanut takutissallugu iluatinnaateqartoq.

Demokraatit ukiorpassuit sorsuutiginnissimavoq attaveqaatit pisariaqartut aaqqinniarlugit, maannalu tamanna iluatsissimavoq, mittarfissuussat nutaat nutaaliaasullu sananeri aallartinneqarmata.

Uagutsinnut pingaartuuvoq, uagut Kalaallit Nunaanni sapinngisamik amerlanerpaanik aningaasanik isertitsinissarput takornariaqarnerup ineriartortinneratigut. Tamanna ilaatigut pissaaq misigisassarsiornerit, angallassinert assigisaasalu tuniniarnerisigut. Neriutigisigu maani nunami innuttaasut amerlasuut, pitsaasunik isumassarsissasut takornarissanut nuannersunik misigisaqartitsinissaanut. Tamanna pitsaaqqajaqaaq innuttaasunut ataasiakkaanut, inuiaqatigiinnut nunanit allaniillu takornarissamut.

Demokraatit kissaatiginnigilaat uunga killissasugut, takornarissanit isertitagut tamarmik nunap avataanut tussappata. Nassuerutigissavarput, taamaattoqariaannaasoq, taamaattumillu pitsaassaaq nalunaarusiornissaq soorlu Siumup Inatsisartunut ilaasortaataitanit piumaneqartoq.

Siunnersuutip akuerineqarnissaa innersuussutigineqarpoq taamatut oqaaseqaaserlugu Inuussutissarsiornermut- Aatsitassanullu ataatsimiititaliami suliareqqitassanngorlugu.